



26. maj 2010

Inatsisartut suleriaasianni § 36 imm. 1 naapertorlugu Naalackersuisunut apeqcutit imaattut matumuuna saqummiuppara:

**Naalackersuisunut apeqcut:**

- **Aatsitassarsiorluni misissuinerni tamani sulisut nunatsinnut akileraarnissaat qanoq ililluni qulakkeerniarneqarpa?**
- **Aatsitassarsiorluni misissuinerni sulisut tamarmik nunatsinnut akileraartarpaat? Sulisut ilaannaat akileraartarpata qanoq amerlatigisut nunatsinnut akileraarneq ajorpat? Sulisut ilaannaat akileraartarpata akileraarutitigut isertitassaraluit isertinngitsuukkat qanoq annertutigippat?**
- **Akuersissummik pigisaqartoq sulianut tunngasutigut pilersuisorisani pillugit nalunaarsuisussaataava? taamaaliornikkut tamakku suliffeqarfiit sulisorisat A-skat-tiinut akiliisarnissaat qulakkeerneqarsinnaaqqullugu.**
- **Aatsitassarsiorluni misissuinerni tamani suliffeqarfiit nunatsinni najugaqartut annertunerpaamik atorneqarnissaat qanoq ililluni qulakkeerniarneqarpa?**

(Inatsisartuni ilaasorta Karl Lyberth, Siumut)

**Tunngavilersuut:**

Naalackersuisuniit paasitinneqarnerput naapertorlugu aatsitassarsiorluni misissuinerit ikiliartoratik amerliartorput. Taamatut ineriartorneq assut qujanarpoq isumalluarnarlunilu.

Aatsitassarsiorluni misissuinerit amerlappata qularutissaanngilaq aamma misissuinerni sulisorpassuit sulisorineqartariaqartassasut, taakkualu tiimerpassuit sulisassasut aamma qularnarani.

Aatsitassarsiorluni misissuinerni sulisunut aningaasarpasuit atorneqartassasut qularnanngimmat paaserusunnarpoq tamakkua sulisut nunatsinnut akileraarnissaat qulakkeerneqarsimanersoq, qulakkeerneqarsimanngippallu akileraarutitigut isertitassaraluit qanoq annertutigisut nunatta annaasarpai.

Ilanngullugu paaserusunnarpoq aatsitassarsiorluni misissuinerni sulisut nunatsinnut akileraarneq ajortut qanoq amerlatiginersut, taakkualu ikilisarniarlugit qanoq iliuuseqartoqarniarersoq aamma paaserusunnarluni.

Aatsitassarsiorluni misissuinerni assigiinngitsuni suliffeqarfiit amerlasuut suliassanut assigiinngitsunut kiffaartuussisussatut atorneqartariaqarnerat pinngitsoorneqarsinnaanngilaq. Kiffartuussinernut assigiinngitsunut nunatsinni suliffeqarfiit atorneqarluarsinnaasut aamma qularnanngilaq, taamaattumik paaserusunnarpoq suliffeqarfiit nunatsinneersut annertunerpaamik atorneqarnissaat qanoq iliorluni qulakkeerniarneqarersoq.